

Las stagiuns : per quatter affons

Autor(en): **Nay, M.**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **16 (1918)**

PDF erstellt am: **21.06.2024**

Persistenter Link: <https://doi.org/10.5169/seals-882290>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Las stagiuns.

Per quatter affons, da scolast M. Nay.

Primavera.

Allegher! oz vegn la compogna sereina,
Fugir sto 'gl unviern, quei selvadi mattatsch;
Solegl permavaun la vallada empleina,
Scuond la nevada da prad' e pardatsch.

Bufatg destadai dal bitschar dell' aurora
Sesveglian pertut ses affonets carins,
E fruschan ils égls e sestendan siedora,
Las caras flurettas, ils leghers verdins.

E leu sin la frastga, vestgid' en verdura
Sgolatschan, cantinan utschals lur canzun
E laudan il Segner cun stent' e premura
Anflond sut la grunda la veglia mischun.

Jl cor plein legria il pur oz confida
Cul maun de vischigias al tschespet ils grauns,
Sperond la raccolta sil Segner sefida,
Che tut nus, compart' abuldont ord ses mauns.

E tras la vallada resuna, scadeina
En spir allegria in led giubilar:
Beinvegni compogna carina, sereina
O temps primavaun, aschi dultsch, aschi car!

Stad.

Las steilas van, han fatg il tur,
 Lodol' ei gia d' urial' a strada
 E giu dals quolms en terlischur
 Descend' il di en la vallada. —

E dal clutger el clar solegl
 La schualm' il di naschent salida,
 'Gl aviul luvrer levaus mervegl
 Sin pastgs e fluras secumblida.

Suls feins brini in terlischar
 Resplenda clar dalla rugada,
 Jls grauns ti audas murmurar
 Schebein la farcla sei pinada.

Sitgurs de vagli' han baul d' agur
 Sil frust bi neidi sper la via.
 Las faultschs caminan tur a tur
 Cantond tral fein lur melodia. —

Bufatg il zenn suls èrs medi
 Lai resunar siu tun migeivel,
 Dal prau sesaulz' el clar miezdi
 Nies laud al Segner buntadeivel. —



Atun.

Holla! Jeu vegnel cun greva cargada
 Miu schierl ei cun tuttas uisas tgiemblaues,
 Jeu mondel e spluntel tier mintga casada
 Da purs e signurs beinvegnius e salvaus.

Culs fretgs de nies tratsch, de fretgeivla pumera
 Empleinel las crunas, truaisch ed arcun,
 Al pur silla schliusa mignuccas e stera
 E tier la trufflad' in pèr bottas tschagrun.

Stun mal, sche jeu dun era stent' e molesta
 E sundel a tuts forsa buca d' engrau:
 Pustretschs e tagliunas de piarder la testa,
 Denton mia gleut, po rumpei buc il tgau!

Persuenter jeu port' enqual flur sentardada,
 Bials dis pleins solegl della stad s. Martin,
 Doreschel 'gl uaul, dun colur la vallada
 E tratgel de ver vilentau zun negin.

Denton Dieus pertgiri! La schualm' a bun' ura
 Bandun' il clutger da brentin' enzugliaus;
 Jeu mon culs utschals per untgir la mal' ura,
 Avon che 'gl unviern vegn cun neiv e cufflaus. —



Unviern.

Hu! co 'l suffel va tras la vallada,
 Saultan, sgolatschan las scrottas de neiv,
 Lom s' emplunan sin spund' e prada
 E cuvieran send' e seif.

'Gl unviernatsch ei en la tiara
 Tut surura arrivaus,
 E la vall pallida, clara
 Dorm' en dultsch ruaus.

Jl solegl schenaus enzuglia
 Sia brausla terlichur.
 Sut il glatsch 'gl ual sgarguglia
 Tras la crappa cun ramur.

Mo sils rovens da samada —
 Tgei cunfar, tgei dultsch termagl! —
 Ha entschiet la scursalada
 Sur la tenda de cristagl.

La selvadia mattatschaglia
 Sigl unviern nuotzun vilai
 Fan tgaubrochels tut empaglia
 Cun lur tgulis malmussai.

Lein clamar: Unviern eviva!
 El vul nuot' a nus schi mal,
 Mo il capo, el arriva*
 Cul pigniel la notg-Nadal.

